

適園叢書

張宗祥



通國書

卷之四



得樹樓雜鈔卷六

海寧查慎行悔餘纂

余舊得古方鏡一枚四旁各四寸許背有飛魚二水銀裏血
皴數處如丹砂斑近閱元遺山集馬雲漢家方鏡背有飛魚
形製正合其詩云劫火依然百鍊初護持原自有神魚影寒
似覺雲屏透光落應分玉斗餘開朗休嫌露圭角圓通寧復
滯方隅衣冠正了渾閒在一片靈臺欲付渠云云自金至今
又五百餘年矣究不知何代物也

向在京師有以宋王逢原十七史蒙求刻本見示者按蒙求
之名不始於王唐安平人李瀚撰蒙求二千餘言李華作序
李良薦於朝謂其錯綜經史隨便訓釋童子固多弘益老成

頗覺起予其後姑汾王琢有次韻蒙求一書元胡炳文有純
正蒙求文天祐爲序交城吳庭秀亦有蒙求止於史書中取
之諸所偶儷必事類相附元裕之爲作序且言逢原旣以十
七史命篇而閱用呂氏春秋三輔決錄華陽國志江南野史
謂之史可乎今李瀚王琢胡炳文吳庭秀四家所撰世無能
舉其名者而逢原書獨傳

梅聖俞送秀州海鹽知縣李寺丞詩吳帆千里去邑里富魚
鹽霜鷁亭皋唳風烏海客占滄涼朝日近紫翠晚山尖若過
陸機宅寒蕪應不嫌蓋華亭地屬秀州是時尙未分縣故詩
中引用鶴唳及陸機宅事後人不可據爲鹽邑典故也

虎丘築城○明洪武中吳人王賓錄虎丘詩集一卷中載邾

經詩云虎正山前新築城虎正寺裏斷人行呂敏詩云山上
樓臺山下城朱旗夾道失人行曾朴詩云闔閭冢上見新城
無復遊人載酒行柳貫詩云半山青處作崇墉攷其歲在丁
酉淮張用兵日也董其役者爲周南老故其詩云白髮趨公
役驅馳上虎正又云四疊新城繞澗隈劍池池上碧崔嵬其
後志吳地者多未之及虎正築城世罕知者今山後故址
尙存特未悉山南何以爲界大抵鶴澗以南卽城外也

書

亭

土官底簿二冊未詳撰人姓氏蠻有六種曰黎犵狓獠猺獐
各有大姓爲之雄長明制仿元舊事立宣慰招討安撫長官
四司雲南百五十一員廣西百六十七員四川二十四員貴

州一十五員湖廣五員廣東一員初隸驗封司後以其半隸武選司隸驗封者布政司領之隸武選者都指揮使領之

曝書

集亭

天主教入中國始於明神宗朝按萬歷二十九年二月天津河御用監少監馬堂進大西洋利瑪竇所貢土物時秀水朱文恪公國祚以禮部侍郎掌本部尙書事疏言會典止有西洋瑣里國無所謂大西洋又寄住二十年方行進貢與遠方慕義獻琛者不同且所貢天主天主母圖圖旣不經而行李中有神仙骨此韓愈所云凶穢之餘不宜令入宮禁者也乞速勒歸國勿使潛居兩京與內監交往以致眩惑愚民疏入

不報

曝書
集亭

史家作列傳不加詳攷至有將二人姓名割裂者如唐書文苑傳以賀朝萬爲一人齊融爲一人不知賀朝單名而齊融則姓萬有唐時阿育王寺常住田碑可考按碑文云飛書監正字郎萬齊融撰其初趙州刺史徐嶠之書後隳於寇太和七年明州刺史于季友覩舊文邀處士范的重書今此碑拓本現在竹垞曝書亭集碑文跋語辨之甚詳偶摘書以見金石文可證史傳之譌好古者洵當留意也

今上政事之暇勤於翰墨內外大小臣工家有御書大而扁額堂幅楹帖小而卷軸斗方冊頁以及紙扇懋勤殿經手人照頒賜年月日一一編號籍記乙酉八月在塞外直廬曾見之時已不下三萬號矣自古帝王宸翰未有若是之多者

偶閱宋太宗書庫碑拓本前載御製文集若干卷又云雜書
扇子一百三十六柄雜書簇子七百五十三軸云云似以之
夸示當時者簇子二字未詳并書以俟考

京城西北去阜成門二十餘里有甕山山下數十步世傳爲
耶律楚材墓帝京景物略匏翁家臧集野獲編云然而危太
樸說學齋橐中有漆水郡公諡忠嘉耶律公神道碑云泰定
四年六月翰林學士承旨知制誥兼修國史耶律公薨於私
第七月丙午葬昌平縣玉泉之東甕山之陽公諱希亮字明
甫考其世系乃文正王楚材之孫文忠王鑄之子則甕山之
墓乃希亮非楚材也竹垞采入日下舊聞惜當時未據危集
攷正也

查泰字○危太樸雲林集中有贈查泰字之閩清主簿任五
古一首全錄於左○隔日照白馬查公往南荒南荒二千里馬
疲道路長官役相程期車載十日糧路經龍虎山且住深淨
堂諸公設高會四座排金觴繁絃聞豪管侍女歌清揚問君
行藏計陳義富且詳爲言十四五博學交老蒼少壯志浩蕩
仗劍游四方不意晚得仕鬢髮飛秋霜教授古吉州講論明
三綱讀律始親民竟過炎海旁出爲縣主簿又恐案牘忙廬
阜青遙遙彭蠡深泱泱豈無田園居亦可歸耕桑不敢慕高
尚非圖承寵光恭惟古君子氣貌何端莊昔在習鑿齒今之
漢仇香方當盛平世帝聖輔弼良四裔息征戰畎畝無旱蝗
凡居郡邑職敬戒垂永臧上當宣德化下欲赤子康公行勿

遲留鸞鳳終高翔山雲白浩浩海月秋茫茫寄書問骨肉毋
使失相望鄙夫江海客年小血氣狂把酒執衣袂贈之紫游
韁人生貴交誼自此毋相忘按詩中云云泰宇當是南康府
人錄備家乘一則

宋南渡初詩人推尤梁谿蕭千巖范石湖陸渭南四家楊誠
齋詩云近代風流四詩將又云尤蕭范陸四詩翁此其證也
蕭集世不傳劉後村詩話及方虛谷瀛奎律髓中閒載一二
首後人乃以誠齋易之稱尤楊范陸而蕭千巖姓名世或有
不知者矣猶唐初稱王楊盧駱而少陵詩云舉天悲富駱近
代失王楊則以富嘉謨易盧照鄰一時才名可知富有集十
卷今所傳者惟明冰篇七古一首耳作家傳不傳豈亦有數

存乎按蕭名海藻字東夫初與楊誠齋同官湖湘閒終於福建帥幕其詩有刻板在永州姜白石之婦翁也

妾曰側室未有稱少房者元黃潛爲義門鄭氏撰青槿居士鄭君墓銘云娶傅福字世昌少房徐偉字妙英皆前君卒同葬縣東金村又宋濂所撰宣政院照磨鄭府君墓志云越四年夫人吳氏卒越一十五日少房勞氏又卒祔葬府君之穴妻妾合葬事雖不古然出自義門或以妻無子而妾有子耶本朝國語賽因二字譯云好按宇文懋昭大金國志頒行皇統新律條下有云稱賽眼者再又云賽眼好也音義相合納鉢二字見遼史謂車駕所在也按金國志熙宗紀年皇統三年諭尚書省將循契丹故事四時游獵春水秋山冬夏刺

鉢注云刺蘆達切刺鉢者契丹話所在之意刺與納音相近其義同也

女真國絕小正朔所不及人不知紀年問之則曰我見草青幾度矣自興兵以後寢染華風君相生朝皆自擇佳辰熙宗以七月七夕粘罕以正旦元室以元夕烏拽馬以上已他若重五重九中秋中元下元四月八日皆然

大金國志

冰龜金國志熙宗皇統八年五月汴都太康縣一夕大雷雨下冰龜巨數十里龜大小不等首足卦文皆具金史五行志亦同他史所未有也

窪勃辣駭此四字 本朝國語謂殺也金國志蒲路虎傳時有酒過後封堯王治渤海城敕令止飲未抵治所有一僧以

榛於

木名

瘿孟遮道而獻曰可以酌酒路虎曰皇帝臨遣時戒

我勿飲爾何人乃欲以此器導我耶令窪勃辣駭注云敲殺也

揚州郭元釭于宮奉

旨編刻全金詩其搜葺頗費苦心

然尚有疏軼處如李彥實詩云少年日日醉花邊短白長紅
一一憐自笑老來心尚在惡風常廢五更眠劉昂贈張秦娥
絕句云遠山句好畫難成柳眼才多總是情今日衰顏人不
識倚鑪空聽煮茶聲又二頃山田半欲蕪子孫零落一身孤
寒窗昨夜瀟瀟兩紅日花梢入夢無以上三首皆混入敘傳
中未經采出蓋汲汲成書意在進呈不暇詳審耳

露索二字出金國志卽今舉子入場時搜檢也耶律履傳云
嘗以鄉賦一試有司以露索爲恥遂不就舉云云

耶律契丹國姓遼金元三史中亦作移刺語音相近字雖不同其實一也明焦弱侯經籍志載移刺楚材湛然集三十五卷一以爲金人又耶律楚材集十二卷則以爲元人失於考證其謬至此

四書之名起於朱子按朱子集中書臨漳所刊四子後云程夫子之教人必先使之用力乎大學論語中庸孟子之書然後及乎六經故今刻四古經而遂及乎此四書者以先後之與曹元可尺牘亦云頃年嘗刻四古經於臨漳而復刻四書以先後其說

晬盤○朱文公承議郎羅博文行狀幼有異質生歲始周家人示以晬盤公一無所顧獨前取書之論性理者展玩久之

其祖右文公歎曰是兒當復以文學大吾門

朱子全集

鵝湖之會朱陸所見一時雖有不合後卻漸漸消融今觀朱子集中與吳茂實書云陸子壽兄弟近日議論與前大不同卻方要理會講學先於性情持守上用力此意自好若去其短集其所長自不害爲入德之門也又答呂伯恭書云子靜合下有些禪底意思然其好處自不可掩覆可敬服也至其祭子素文則直云自是以還志合道同參觀三處不但朱陸之交有始有卒道固未嘗不同也後來朱陸異同若水火冰炭之不相入皆由及門弟子不揣本末強生分別殊失師承之意矣

朱子嘗受學於劉聘士致中之門劉以女妻之後作聘士墓

表不稱壻而稱門人前輩之重師弟淵源如此

宋時臣僚上奏疏劄子於本篇之外別有貼黃約舉其中切要之意另標數言使覽者易曉非若後世貼黃只就本文節縮行數不得變換字樣也不知此例起於何時遂相襲成風矣

陳同甫見地高超才氣豪邁真足目空一世觀其上孝宗書云今世儒士自以爲得正心誠意之學者皆風痺不知痛癢之人也舉一世安於君父之仇而方低頭拱手以談性命不知何者謂之性命乎似爲朱呂諸公而發故朱子與同甫書云老兄平時自處於法度之外不樂聞禮法之論雖朋友之賢如伯恭者亦不敢進其逆耳之論云云則其推倒智勇之

概大略可見矣吁亦人傑也哉

迷子○王半山送人之官越幕詩洲荻藏迷子谿篁擁若耶以迷子對若耶可謂工絕先生詩又有迷子山前漲一洲之句迷子山當在越中俟再攷

集王半山句水之江海星之斗

與曾子固

處在家庭譽在邦

酬宋中散

五角六張舊讀王半山清平樂詞云丈夫運用堂堂且莫五角六張不解所謂偶閱馬永卿嬾真子錄內一條云五角六張此古語也謂五日遇角宿六日遇張宿此二日作事多不成

蕭豪與尤侯通韻始於三百篇不獨平聲上去二聲亦爾歷考古詩及唐宋諸名家銘詞無一不合者